



Data

**RELACION**  
**PËR**  
**PROJEKTVENDIMIN**

**RREGULLAT PROCEDURALE PËR PËRDORIMIN E KAMERAVE REGJISTRUESE E MONITORËVE (EKRA NEVE) NË VENDET E NUMËRIMIT TË VOTAVE DHE TRANSMETIMIN NË KOHË REALE NGA VENDET E NUMËRIMIT TË VOTAVE NË AMBIENTET E KOMISIONIT QENDROR TË ZGJEDHJEVE**

Bazuar në nenin 20, pikat 1, shkronja “ë”, dhe 2, shkronja “c”, nenin 22, pikat 2 dhe 3, nenin 23, pika 1, nenin 94, pika 4, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, Komisioni Rregullator është organi kompetent për shqyrtimin dhe miratimin e projektakteve me karakter normativ, të përgatitura nga administrata e Komisionit Qendror të Zgjedhjeve ose nga anëtarët e tij, për përdorimin e sistemeve apo pajisjeve të teknologjisë së informacionit për mbulimin e aspekteve apo procedurave të veçanta të procesit zgjedhor, ose heqjen e tyre nga përdorimi.

**PËRMBLEDHJE SHPIEGUESE E PËRMBAJTJES SË PROJEKTAKTIT**

Në vitin 2021 Komisioni Rregullator miratoi rregullat procedurale për përdorimin e kamerave regjistruese e monitorëve (ekraneve) në vendet e numërimit të votave dhe transmetimin në kohë reale nga vendet e numërimit të votave në ambientet e komisionit qendror të zgjedhjeve për zgjedhjet për Kuvend të datës 25 Prill 2021.

Projektvendimi që propozohet përcakton të njejtat procedura dhe rregulla të miratuara më parë nga Komisioni Rregullator për përdorimin e kamerave regjistruese dhe të monitorëve (ekraneve) në vendet e numërimit të votave (VNV) dhe transmetimin e imazheve në kohë reale nga vendet e numërimit të votave, në ambientet e Komisionit Qendror të Zgjedhjeve (KQZ).

Ky projektvendim është i natyrës normative dhe për këtë arsye propozohet që procedurat të jenë të aplikueshme për të gjithë proceset zgjedhore.

Risia e projektvendimit të propozuar është si vijon:

- Mënyra e ruajtjes së materialit filmik (video) nga kamerat e tavolinave dhe kamerat e vrojtimit administrohet dhe ruhet në serverat e KQZ-se. Regjistrimi filmik (video) ruhet në dosje të veçanta të emëtuara sipas numrit të KZAZ-se ku është bërë regjistrimi. Brenda çdo dosje të KZAZ-së, pamjet filmike ruhen të ndara në dosje sipas kategorisë së kamerës: a) Regjistrimi filmik i tavolinave të numërimit për çdo tavolinë të ruajtur veçmas, dhe b) Regjistrimi filmik i kamerës së vrojtimit.



Projektvendimi parashikon që regjistrimi filmik (video) i procesit të numërimit të votave nga kamerat e vrojtimit në VNV, të cilat përmbajnë të dhëna personale i vihen në dispozicion vetëm organeve ligjzbatuese me kërkesë të tyre. Ky parashikim vjen në zbatim të legjislacionit të posaçëm për ruajtjen e të dhënave personale, për sa kohë kamerat e vrojtimit 360° mbajnë të dhëna personale.

Pas dorëzimit në KQZ, regjistrimi filmik (video) i procesit të numërimit të votave nga kamerat e tavolinave dhe kamerat e vrojtimit në VNV, ruhet në përputhje me rregullat teknike të përcaktuara në ligjin nr. 9154, datë 6.11.2003 “Për Arkivat” dhe aktet nënligjore në zbatim të tij, për një periudhë 10 vjeçare nga data e shpalljes së rezultatit përfundimtar të zgjedhjeve. Pas kalimit të këtij afati regjistrimet filmike trajtohen sipas udhëzimeve teknike të Komisionerit Shtetëror të Zgjedhjeve. Periudha 10 vjeçare e ruajtjes është përlogaritur duke iu referuar afateve të parashkrimit të veprave penale. Masa maksimale e dënimit për veprat penale në fushën e zgjedhjeve është 8 vite burgim. Për këtë arsye, sugjerohet që ruajtja e materialit filmik të procesit të numërimit të votave nga kamerat e tavolinave dhe kamerat e vrojtimit në VNV të ruhet në përputhje me rregullat teknike të legjislacionit në fuqi për arkivat për periudhën 10 vite pas shpalljes së rezultatit përfundimtar të zgjedhjeve, periudhë e cila përmbush qëllimin e mbledhjes së këtij informacioni. Pas kalimit të këtij afati regjistrimet filmike do të trajtohen sipas udhëzimeve teknike të Komisionerit Shtetëror të Zgjedhjeve.

Sa më lart, në këtë relacion, Komisioneri Shtetëror i Zgjedhjeve, brenda kompetencave të veta, dhe në respektim të detyrimeve e afateve ligjore të përcaktuara në ligjin nr.10019, datë 29.12.2008, “Kodi Zgjedhor i Republikës së Shqipërisë”, i ndryshuar, i propozon për shqyrtim dhe miratim Komisionit Rregullator projektvendimin, “Për rregullat procedurale për përdorimin e kamerave regjistruese e monitorëve (ekraneve) në vendet e numërimit të votave dhe transmetimin në kohë reale nga vendet e numërimit të votave në ambientet e komisionit qendror të zgjedhjeve”.

**Komisioneri Shtetëror i Zgjedhjeve**

**Ilirjan Celibashi**



REPUBLIKA E SHQIPËRISË  
KOMISIONI QENDROR I ZGJEDHJEVE

**Komisioni Rregullator**

Data: DD MM VVVV

Nr: 000-000

Ora: HH:MM

**PROJEKTVENDIM**

**PËR**

**RREGULLAT PROCEDURALE PËR PËRDORIMIN E KAMERAVE REGJISTRUESE E MONITORËVE (EKRA NEVE) NË VENDET E NUMËRIMIT TË VOTAVE DHE TRANSMETIMIN NË KOHË REALE NGA VENDET E NUMËRIMIT TË VOTAVE NË AMBIENTET E KOMISIONIT QENDROR TË ZGJEDHJEVE**

Në mbështetje të nenit 20, pikat 1, shkronja “ë”, dhe 2, shkronja “c”, nenit 22, pikat 2 dhe 3, nenit 23, pika 1, nenit 94, pika 4, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, me propozimin e Komisionerit Shtetëror të Zgjedhjeve, Komisioni Rregullator

**V E N D O S I:**

1. Miratimin e rregullave procedurale për përdorimin e kamerave regjistruese dhe të monitorëve (ekraneve) në vendet e numërimit të votave (VNV) dhe transmetimin e imazheve në kohë reale nga vendet e numërimit të votave, në ambientet e Komisionit Qendror të Zgjedhjeve (KQZ), sipas lidhjes nr. 1, që i bashkëlidhet këtij vendimi.
2. Regjistrimi filmik (video) i procesit të numërimit të votave nga kamerat e tavolinave dhe kamerat e vrojtimit në VNV të ruhet në pajisje elektronike të sigurta dhe të dorëzohet në Komisionin Qendror të Zgjedhjeve së bashku me materialet e tjera zgjedhore.
3. Administrata e KQZ-së, ose kur është e mundur edhe Komisioni i Zonës së Administrimit Zgjedhor, riprodhon dhe vë në dispozicion të subjekteve zgjedhore, me kërkesë të tyre, kopje të materialit të regjistruar nga kamerat e tavolinave kundrejt pagesës së një tarife që mbulon koston e riprodhimit. Tarifa miratohet nga Komisioneri Shtetëror i Zgjedhjeve.

4. Regjistrimi filmik (video) i

Data: dd mm vvvv Nr: 123-456  
Ora: hh:mm



- procesit të numërimit të votave nga

“Për rregullat procedurale për përdorimin e kamerave regjistruese e monitorëve (ekraneve) në vendet e numërimit të votave dhe transmetimin në kohë reale

kamerat e tavolinave dhe kamerat e vrojtimit të ruhet në pajisje elektronike të sigurta dhe të dorëzohet në Komisionin Qendror të Zgjedhjeve së bashku me materialet e tjera zgjedhore.

5. Regjistrimi filmik nga kamerat e tavolinave dhe kamerat e vrojtimit administrohet dhe ruhet në serverat e KQZ-se. Regjistrimi filmik (video) ruhet në dosje të veçanta të emërtuara sipas numrit të KZAZ-se ku është bërë regjistrimi. Brenda çdo dosje të KZAZ-së, pamjet filmike ruhen të ndara në dosje sipas kategorisë së kamerës:
  - a) Regjistrimi filmik i tavolinave të numërimit për çdo tavolinë të ruajtur veçmas,
  - b) Regjistrimi filmik i kamerës së vrojtimit.
6. Regjistrimi filmik (video) i procesit të numërimit të votave nga kamerat e vrojtimit në VNV, të cilat përmbajnë të dhëna personale i vihen në dispozicion vetëm organeve ligjzbatuese me kërkesë të tyre.
7. Pas dorëzimit në KQZ, regjistrimi filmik (video) i procesit të numërimit të votave nga kamerat e tavolinave dhe kamerat e vrojtimit në VNV, ruhet në përputhje me rregullat teknike të përcaktuara në ligjin nr. 9154, datë 6.11.2003 “Për Arkivat” dhe aktet nënligjore në zbatim të tij, për një periudhë 10 vjeçare nga data e shpalljes së rezultatit përfundimtar të zgjedhjeve. Pas kalimit të këtij afati regjistrimet filmike trajtohen sipas udhëzimeve teknike të Komisionerit Shtetëror të Zgjedhjeve.
8. Ky vendim hyn në fuqi menjëherë dhe publikohet në faqen zyrtare të Komisionit Qendror të Zgjedhjeve.
9. Kundër këtij vendimi mund të behet ankim në Kolegjin Zgjedhor Gjyqësor, pranë Gjykatës Administrative të Apelit Tiranë, brenda 5 (pesë) ditëve nga shpallja e tij.

**Ilirjana NANO Kryetar**

**Arens ÇELA**

**Anëtar**

**Dritan ÇAKA**

**Anëtar**

**Helga VUKAJ**

**Anëtar**

**Muharrem ÇAKAJ**

**Anëtar**

**Rregullat procedurale për përdorimin e kamerave regjistruese e monitorëve (ekraneve) në Vendet e Numërimit të Votave dhe transmetimin në kohë reale, nga Vendet e Numërimit të Votave në ambientet e Komisionit Qendror të Zgjedhjeve.**

1. Në çdo tavolinë numërimi në VNV, të instalohet një kamera në mënyrë të tillë që të realizojë regjistrimin video, për vlerësimin e çdo flete votimi.
2. Parametrat teknike minimale, për kamerën të jenë:
  - Rezolucioni jo më i vogël se 3 Mega Pixel;
  - Shpejtësia e regjistrimit video jo më e vogël se 25 frames për sekondë, në rezolucionin e kërkuar.
3. Kamera të transmetojë në kohë reale procesin e numërimit të votave në një monitor (ekran), të vendosur përballë vëzhguesve të subjekteve zgjedhore.
4. Madhësia e ekranit jo më e vogël se 32 inch. Imazhi i transmetuar në ekran duhet të zërë gjithë hapësirën e ekranit pa konture apo hapësirë boshe. Imazhi i fletës së votimit në ekran, të zërë jo më pak se 80% të ekranit.
5. Të gjitha imazhet e marra nga kamerat, duhet të regjistrohen në formë digjitale gjatë gjithë procesit të numërimit të votave.
6. Regjistrimi duhet të kryhet me rezolucionin e transmetimit të imazhit në ekran dhe duhet të krijojë mundësi për kontrollin dhe pamjen e mëvonshme të të gjitha regjistrimeve të kryera.
7. Pajisjet e regjistrimit duhet të kryejnë regjistrim të dyfishtë, të njëkohshëm në 2 njësi të brendshme të pavarura (Mirror).
8. Në çdo imazh të transmetuar dhe të regjistruar të jenë të evidentuar numri i tavolinës në të cilën po numërohen votat dhe numri i grupit të numërimit. Të evidentohet qartë në transmetim dhe regjistrim momenti i fillimit dhe përfundimit të procesit të numërimit të fletëve të votimit për çdo qendër votimi, si dhe të evidentohet qartësisht numri i qendrës së votimit.
9. Në çdo VNV të instalohet një kamera vrojtimi 360°, që të mbulojë të gjithë hapësirën e sallës në VNV. Kamera gjatë gjithë kohës duhet të regjistrojë të gjithë hapësirën pavarësisht nga orientimi i kërkuar në momente të caktuara dhe të mundësojë regjistrimin video dhe audio të sallës.

10. Kamera e vrojtimit dhe kamerat e tavolinave, gjatë procesit të numërimit duhet të transmetojnë imazhet pranë zyrave qendrore të KQZ-së, në çdo kohë kur paraqitet ndonjë problematikë, ose kur kërkohet nga KQZ me akt të Komisionerit Shtetëror të Zgjedhjeve.
11. Transmetimi i imazheve të bëhet në rrjet të mbyllur, të pavarur dhe me kapacitet të nevojshëm qarkullimi online.
12. Në ambientet e KQZ-së duhet të krijohen mundësi monitorimi të njëkohshëm, për të paktën 8(tetë) VNV dhe 8 (tetë) tavolina numërimi.
13. Procesi i regjistrimit dhe transmetimit në të gjitha VNV-të, duhet të ketë pavarësi nga energjiaelektrike për minimumi 2 (dy) orë.